

丹谿先生金匱鈎玄
上池雜說



60721

丹谿先生金匱鈎玄

戴元禮
錄

中
華
書
局

丹谿先生金匱鉤玄

此據古今醫統正脈
全書本排印初編各
叢書僅有此本

丹谿先生金匱鈎玄目錄

卷第一

眩暈	吃逆	水腫	吞酸	翻胃	霍亂	痢	咳嗽	發斑	濕	傷寒	中風
眉痛	頭風	鼓脹	嘈雜	傷食	乾霍亂	禁口痢	痰	疹	內傷	暑	六鬱

癩 注夏 火 溫病 喘 泄瀉 嘔吐 痞 五疸 自汗 頭痛 耳聾

寒 暑風 傷風 瘡 疔 脾泄 惡心 噁氣 消渴泄瀉 盜汗 頭眩

卷第二

心痛

腰疼

脇痛

腹痛

痛風

勞瘵

咳血

嘔血

咯血

衄血

溺血

下血

腸風

夢遺

精滑

濁

淋

小便不通

關格

小便不禁

痢

健忘

怔忡

驚悸

瘵

血塊

吐蟲

癥瘕

疝

脚氣

痿

發熱

陽虛惡寒

手心熱

手麻

手木

厥

面寒而熱

喉痺

纏喉風

咽喉生瘡

口瘡

酒查鼻

肺痿

天疱瘡

漏瘡

肺癰

腸癰

結核

脫肛

痔瘡

卷第三

婦人科
白帶并痛風
惡阻
子腫
血暈
惡露不盡
小兒科
痘疹
脫囊
咯紅
虻蟲
赤瘤

經水
子嗣
束胎
難產
補虛
中風
吐瀉黃疸
腹脹
脫肛
喫泥
口瘡
鼻赤

血崩
胎前
安胎
催生方
消血塊
發熱惡寒
急慢驚風
夜啼
木舌
痢疾食積
風痰

帶下赤白
胎動
胎漏
產後
泄
疳病
口糜
癰疹
解顏
癩頭

丹谿先生金匱鉤玄卷第一

中風

門人戴元禮錄 明 新安吳勉學校正

大率主血虛。有痰。以治痰爲先。或虛。挾火與濕。亦有死血留滯者。外中於風者。亦有中氣者。當從痰治。順氣化痰。若口開。手撒。眼合。遺尿。吐沫。直視。喉如鼾睡。肉脫。筋痛者。皆不治。

半身不遂。大率多痰。在左屬死血。無血。在右屬痰。有熱氣虛。

病者在左者。四物等湯加桃仁。紅花。竹瀝。薑汁。在右者。二陳湯。四君子等。加竹瀝。薑汁。

痰壅盛者。口眼喎斜者。不能言者。皆當吐。

吐法。輕用瓜蒂。鰾汁。皂角。重用藜蘆半錢。或三分。加麝香。灌入鼻內。或口內。吐痰出。一吐不已。再吐之。

亦有虛而不可吐者。

氣虛卒倒。參芪補之。

氣虛有痰。濃參湯。合竹瀝。薑汁。

血虛宜四物湯。俱用薑汁炒。恐泥痰。再加竹瀝。薑汁入內服。能食者。去竹瀝。加荊瀝。

又法。以猪牙皂角。白礬。等分爲末。薑湯調下。名稀涎散。

血虛者。四物湯補之。挾痰者。亦用薑汁。竹瀝。

脈訣內言。諸不治證。見則不可治。筋枯者。不治。舉動則筋痛者。是筋枯。以其無血滋潤故也。治痰氣實。能食。用荊瀝。氣虛少食。用竹瀝。

此二味。用開經絡。行血氣。入四物湯中。必用薑汁助之。

肥白人。多濕。少用附子。烏頭行經。

初昏倒。急搯人中。至醒。然後用去痰藥。二陳湯。四物。四君子等湯。加減用。

六鬱

戴云。鬱者。結聚而不得發越也。當升者不得升。當降者不得降。當變化者不得變化也。此爲傳化失常。六鬱之病見矣。氣鬱者。胸脇痛。脈沉澁。濕鬱者。周身走痛。或關節痛。遇陰寒則發。脈沉細。痰鬱者。動則卽喘。寸口脈沉滑。熱鬱者。脊小便赤。脈沉數。血鬱者。四肢無力。能食。便紅。脈沉食鬱者。噯酸。腹飽。不能食。人迎脈平和。氣口脈緊盛者是也。

氣血中和。萬病不生。一有怫鬱。諸病生焉。

氣鬱。香附子。蒼朮。川芎。

濕。蒼朮。川芎。白芷。

痰。海石。香附。南星。瓜蒌。

癩

凡鬱皆在中焦。以蒼朮、撫芎、開提其氣以升之。假如食在氣上，提其氣則食自降。餘皆倣此。

熱 青黛、香附、蒼朮、川芎、梔子。
血 桃仁、紅花、青黛、川芎、香附。
食 蒼朮、香附、鉞沙、醋炒、山查、神麴、炒。
春加芎、夏加苦參、秋冬加吳茱萸。

越鞠丸 解諸鬱 又名芎朮丸

蒼朮、香附、撫芎、神麴、梔子等分爲末，水丸，如菉豆大。

大風病，是受得天地間殺物之氣。古人謂之癘風者，以其酷烈暴悍，可畏耳。人得之者，須分在上在下。夫在上者，以醉仙散取涎血於齒縫中出，在下者，以通天散取惡物陳蟲於穀道中出。取出雖有道路之異，然皆不外乎陽明一經。治此證者，須知此意。看其疙瘩與瘡，上先見者，上體多者，在上也。下先見者，下體多者，在下也。上下同得者，在上復在下也。陽明胃經與大腸無物不受，此風之入人也。氣受之則在上多，血受之則在下多，血氣俱受之者，上下俱多也。自非醫者神手，病者鐵心，罕有免此。夫從上從下以漸而來者，皆可治。人見其病勢之緩，多忽之。雖按法施治，病已痊可，若不能忌口絕色，皆不免再發。發則終於不能救也。余曾治五人，中間惟一婦人不再發，以其貧甚而且寡，無物可喫也。餘四人

三四年後皆再發。孫真人云：吾嘗治四五十人，終無一人免於死，非真人不能治。蓋無一人能守禁忌耳。此婦人本病藥外，又服百餘貼，加減四物湯，半年之上，方得經行，十分安愈。治法：在上者，醉仙散；在下者，通天再造散。後用通神散及三稜鉞於委中出血，但不能忌口絕房者，不治之也。

醉仙散

胡麻仁

牛蒡子

蔓荊子

枸杞子

各半兩，爲粗末，同炒紫色。

白蒺藜

苦參

瓜蒌根

防風

各半兩。

右八味爲細末，每一兩半入輕粉三錢，拌勻。大人一錢，空心日午臨睡各一服。淡茶調下，五七日間必於齒縫中出臭涎水，渾身覺痛，昏悶如醉，利下惡臭屎爲度。量大小虛實，加減與之。證候重而急者，須以再造散下之。候補養得還，復與此藥喫，須斷鹽醬醋，諸般魚肉、椒料、果子、燒炙等物，止可淡粥及淡羹熟時菜食之。茄尙不可食，惟有烏稍蛇、菜花蛇可以淡酒煮熟食之，以助藥力。

再造散

鬱金

生用，半兩。

大黃

一兩，炮。

皂角刺

一兩，黑者，大者。

白牽牛

頭末六錢，半炒，生用之。

右爲末，五錢。臨夜冷酒調下，以淨桶伺候，泄出蟲。口黑色，乃是多年蟲；口如赤色，是近者。三數日又進一服，直候無蟲，卽絕根也。

寒 主乎溫散。

有卒中天地之寒氣，有口傷生冷之物。

戴云：此傷寒，謂身受肅殺之氣，口食冰水瓜果冷物之類。病者必脈沉細，手足冷，息微，身倦，雖身熱，亦不渴，倦言語，或遇熱病，誤用此法，輕者至重，重者至死。凡脈數者，或飲水者，或煩躁動搖者，皆是熱病。寒熱二證，若水火也，不可得而同治，誤即殺人。學者慎之。

傷寒

傷寒必須身犯寒氣，口食寒物者，從補中益氣湯中加發散藥，屬內傷者，十居八九。其法，邪之所湊，其氣必虛，只用補中益氣湯中從所見之證，出入加減。氣虛熱甚者，少用附子，以行參芪之劑。如果氣虛者，方可用此法。已上傷寒治法，可用於南方，不宜北。

暑

戴云：暑，乃夏月炎暑也。盛熱之氣著人也。有冒，有傷，有中。三者有輕重之分。虛實之辯，或腹痛水瀉者，胃與大腸受之，惡心者，胃口有痰飲也。此二者，冒暑也，可用黃連香薷飲。蓋黃連退暑熱，香薷消畜水，或身熱頭疼，躁亂不寧者，或身如針刺者，此爲熱傷在分肉也。當以解毒白虎湯加柴胡。氣如虛者，加人參，或咳嗽發寒熱，盜汗出不止，脈數者，熱在肺經，用清肺湯。柴胡天水散之類。急治則可，遲則不可治矣。或火乘金也。此爲中暑。凡治病，須要明白辯別，慎勿滾同施治。春秋間亦或有之。切莫執一，隨病

處方爲妙。

黃連香薷飲。挾痰加半夏。乘虛加入參黃芪。或清暑益氣湯。加減用之。

注夏。屬陰虛。元氣不足。

戴云。秋初夏末。頭痛腳軟。食少體熱者是也。補中益氣湯。去柴胡。升麻。加炒黃栢。挾痰。止用南星。半夏。陳皮之類。或生脉散。出千金方。

暑風

戴云。暑風者。夏月卒倒。不省人事者是也。有因火者。有因痰者。火。君相二火也。暑。天地二火也。內外合而炎燄。所以卒倒也。痰者。人身之痰飲也。因暑氣入而鼓激痰飲。塞礙心之竅道。則手足不知動躍而卒倒也。此二者皆可吐。內經曰。火鬱則發之。挾火挾痰實者。可用吐法。吐卽發散也。量其虛實而吐之。吐醒後。可用清劑調治之。

濕

戴云。濕有自外入者。有自內出者。必審其方土之致病源。東南地下。多陰雨。地濕。凡受。必從外入。多自下起。以重腿脚氣者多。治當汗散久者。宜疎通滲泄。西北地高。人多食生冷濕麪。或飲酒後寒氣拂鬱。濕不能越。作腹皮脹痛。甚則水鼓脹滿。或通身浮腫如泥。按之不起。此皆自內而出也。辯其元氣多少。而通利其二便。責其根在內也。此方土內外。亦互相有之。但多少不同。須對證施治。不可執一。

本草。蒼朮治濕。上下俱可用。

二陳湯加酒。蒼朮。散風之藥。行濕最妙。

內傷

內傷病退後。燥渴不解者。有餘熱在肺家。可用參、苓、甘草。少許薑汁。冷服。或茶匙挑薑汁與之。虛者。可用人參湯補之。病此者爲多。但有挾痰者。有挾外邪者。有熱鬱於內而發者。皆以補元氣爲主。看其所挾之病。而兼用藥。

火

有可發者二。風寒外來者。可發。鬱者。可發。陰虛火動。難治。火鬱當發。看何經。輕者。可降。重。則從其性升之。實火。可瀉。小便降火極速。凡氣有餘。便是火。火急甚重者。必緩之。生甘草。兼瀉兼緩。人參。白朮。亦可。

人壯氣實。火盛顛狂者。可用正治。或硝冰水飲之。人虛。火盛狂者。可用生薑湯與之。若投以冰水正治。立死。有補陰卽火自降者。炒黃柏。地黃之類。

山梔子仁。大能降火。從小便泄去。其性能屈曲下行降火。人所不知。

凡火盛者。不可驟用涼藥。必用溫散。

又方左金丸治肝火。

黃連^{六兩}、茱萸^{一兩}或^{半兩}水爲丸白湯下五十九。

傷風

戴云新咳嗽鼻塞聲重者是也。

屬肺者多散宜辛溫或辛涼之劑。

發斑屬風熱

戴云斑有色點而無頭粒者是如有頭粒卽疹也風熱挾痰而作自裏而發於外通聖散消息當以微汗而散之下之非理也。

內傷斑者胃氣極虛一身火遊行於外所致宜補以降之發斑似傷寒者痰熱之病發於外微汗以散之下之非理也。

疹

戴云疹浮小有頭粒者是隨出卽收收則又出者是也非若斑之無頭粒也當明辯之屬熱與痰在肺清肺火降痰或解散出汗亦有可下者。

溫病

衆人病一般者是也又謂之天行時疫有三法宜補宜降宜散。

又方。

大黃。

黃芩。

黃連。

人參。

桔梗。

防風。

蒼朮。

滑石。

香附。

人中黃。

右爲末神麴爲丸。每服五七十丸。分氣血痰作湯使氣虛。四君子湯。血虛。四物湯。痰多。二陳湯送下。如熱甚者。可用童子小便送下。

大頭天行病。東垣有方。

羌活。

酒芩。

大黃酒蒸。

冬溫爲病。非其時而有其氣者。冬時君子當閉藏。而反發泄於外。專用補藥帶表。又方。以竹筒兩頭畱節。中作一竅。納甘草於中。仍以竹木釘閉竅。於大糞缸中。浸一月。取出。曬乾。專治疫毒。

瘧。有風。有暑。有食。老瘧。瘧母。瘧病。

老瘧病。此係風暑入陰。分在臟。用血藥。川芎。撫芎。紅花。當歸。加蒼朮。白朮。白芷。黃柏。甘草煎。露一宿。次早服之。無汗。要有汗。散邪爲主。帶補有汗。要無汗。正氣爲主。帶散有瘧母者。用丸藥消導。醋煮鱉甲爲君。三稜。蓬朮。香附。隨證加減。

三日一發者。受病一年。間發者。受病半年。一日一發者。受病一月。連二日發者。住一日者。氣血俱受病。

一日間一日者。補藥帶表藥。後用瘡丹截之。在陰分者。用藥徹起。在陽分。方可截之。

又方。

草果。知母。檳榔。烏梅。常山。甘草。炙。川山甲。炮。用水酒一大碗。煎至半碗。露一宿。

臨發日前二時。溫服。如吐。則順之。

截瘡青蒿丸。

青蒿。一兩。

冬青葉。二兩。

馬鞭草。二兩。

官桂。二兩。

右三葉。皆晒乾。秤爲末。法丸。如胡椒子大。每兩作四服。於當發前一時服盡。

大法。暑風必當發汗。夏月多在風涼處歇。遂閉其汗而不泄。因食者。從食上治。

瘡而虛者。須先用參朮一二貼。托住其氣。不使下陷。後用他藥。治內傷挾外邪者。同法。內必主痰。必以

汗解。二陳湯加常山。柴胡。黃芩。草果。

瘡而甚者。發寒熱。頭痛如破。渴而飲水。自汗。可與參。芪。朮。苓。連。梔子。川芎。蒼朮。半夏等治。

久病瘡。二陳湯加川芎。蒼朮。柴胡。葛根。白朮。一補一發。

欬嗽

風寒。火主降火。勞。肺脹。火鬱。痰主降痰。

戴云。風寒者。鼻塞聲重。惡寒者是也。火者。有聲痰少。而赤者是也。勞者。盜汗出。兼痰者。多作寒熱。肺脹

者。動則喘滿。氣急。息重。痰者。嗽動。便有痰聲。痰出嗽止。五者。大槩耳。亦當明其是否也。風寒。行痰。開腠理。二陳湯。加麻黃。杏仁。桔梗。

火降。火清。金化痰。

勞。四物湯中加竹瀝。薑汁。必以補陰爲主。

肺脹而嗽者。用訶子。青黛。杏仁。訶子能治肺氣。因火傷極。遂成鬱遏。脹滿。取其味酸苦。有收斂降火之功。佐以海蛤粉。香附。瓜萸。青黛。半夏。麴。

食積。痰作嗽。發熱者。半夏。南星。爲君。瓜萸。羅蔔子。爲臣。青黛。石礮。爲使。火鬱嗽者。訶子。海石。瓜萸。青黛。半夏。香附。

咳嗽聲嘶者。此血虛受熱也。用青黛。蛤粉。蜜調服。久嗽。風入肺。用鵝管石。雄黃。鬱金。款冬花。礮末。和艾中。以生薑一片。留舌上。灸之。以煙入喉中。爲度。乾咳嗽者。難治。此係火鬱之證。乃痰鬱火邪。在中用苦梗。以開之下。用補陰降火。不已。則成勞。倒倉。好此證。不得志者。有之。

嗽而脇痛。宜疎肝氣。用青皮等方。在後。二陳湯內。加南星。香附。青黛。薑汁。治嗽藥。大槩多用生薑者。以其辛散也。

上半日嗽多者。屬胃中有火。貝母。石膏。能降胃火。午後嗽多者。此屬陰虛。必用四物湯。加知母。黃柏。先降其火。